



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 124. Ejusdem consilium pro deprimenda seditiosorum audacia.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI. inter eos suspicio, atque abalienatio
A.C. 1566. suborirentur. Sub idem tempus per-
 commodum accidit, quod Gubernatrix
 acciperet a Rege literas aliquot ipsius
 manu exarratas ad Oranium Princi-
 pem, ac nonnullos Belgii Proceres be-
 nevolentiae signis refertas, quas mox
 typis edi, evulgarique iussit: ex quibus
 omnibus factum est, ut conjuratorum
 multi omissis foederatorum cœtibus, aut
 in domos suas redirent, nonnulli privata
 sua negotia curaturi, aut accederent
 Gubernatricis partibus, & gratiam
 Principis promereri, quam indignatio-
 nem experiri mallent, cum ad id par-
 tim metus, ne a Proceribus in suis
 consiliis nutare incipientibus desereren-
 tur, eos adigeret, partim etiam spes,
 cujus pleni erant, eoquod præcipue se
 honoratos a Rege, atque appellatos cer-
 nerent, eosdem animaret, simulque
 induceret aliorum offensio, quibus
 se suspectos, atque invisos facile opina-
 bantur.

§. CXXIV.

*Ejusdem consilium de reprimenda se-
 ditiosorum audacia.*

Hac Foederatorum dissensione erige-
 batur Gubernatrix, animoque sta-
 tuebat, vim, extremaque adhibere om-
 nia ad seditiosorum contumaciam serio
 profl-

profligandam, ut vero rite caperet a Deo principium, ad civitatum omnium, rerumque sacrarum Antistites, Regis nomine literas misit, ut jejuniis, ac supplicationibus, aliisque piis operibus cœlestem iram placarent, clementiamque divini Numinis implorarent: insuper etiam Nuntium in Gallias ad Franciscum Alavam Hispani Regis Oratorem, & ad Cæsarem in Germaniam ablegabat, ut illi, quid Hugonottæ pararent, indicaret, hunc vero, quid Belgæ petitura sint in comitiis, quidve Septemviri Augustus Saxonix Dux, & Fridericus Palatinus minentur, admoneret. Porro ad Cæsarem quidem se iturum Mansfeldius Comes Gubernatrici obtulerat, pollicitus, remoturum se Saxonix Electorem ab ea mente, aut certe a facultate nocendi, ac propterea se intra ipsius ditionem bellum intestinum suscitaturum, ut arma in alienas terras inferre præpediatur: at quoniam Mansfeldii Comitis præsentia tunc minime carere poterat Gubernatrix, satis habuit laudare illius consilium, illudque, & promptum ejus, animum Regi significare pollicebatur, interim hunc Comitem penes se retinuit. Postea militum numerus in Provinciis augebatur, illarumque Præfecti majori præsidio firmati ad eas remittebantur,
ipsa

Sæc. XVI.

A.C. 1565.

Sæcul. XVI.
A.C. 1566. ipsa vero Gubernatrix promulgabat edictum, quo severas contumacibus pœnas irrogabat, hujusque legis exemplar ad Regem mittens scribebat, illam a se ea ratione conceptam, eoquod hæreticorum ausus plane detestandi hanc severitatem deposcerent: de cetero significabat, eos, qui adfuissent in secretiori Senatu, consensisse omnes præter Egmontium Comitem, qui edictum illud concitandis ad arma Belgarum populis, clasticum haud dubie futurum affirmasset.

§. CXXV.

Brederodius copias conscribere jussus.

Strad. l. 5. Enimvero ea, quæ Egmontius prædixerat, revera contingebant; quippe armorum consilia ubique fervebant, eoque ex tempore frequentior erat ad eorum conciliabula concursus, magisque sollicitè, ac circumspècte conventus habebantur: tandem etiam, si Gubernatrix vim adhibere meditaretur, arma palam capessere, militesque ex Palatinatu, præcipue vero eos, quos Palatinus offerebat, conscribere decretum est. Hujus rei cura Henrico Brederodo commissum, oblataque ei fuerunt nomina Antverpiensium mercatorum tantæ pecuniæ summam pollicentium, quanta contrahendis militibus satis foret: